

# KOMMUNIMUT PILERSAARUMMUT TAPILIUSSAQ 4A8-1

Ningitsivik, Nuuk

Novembari 2017



**KOMMUNEQARFIK SERMERSOOQ**  
Sanarfinermut Avatangiisinullu Ingerlatsivik  
Forvaltning for Anlæg og Miljø

## Kommunimut pilersaarummut tapiliussaq sunaava?

Kommunimut pilersaarummut tapiliussaq tassaavoq ingerlaavartumik suliarineqartartoq, taamaattumik kommunalbestyrelse Pileraarusrusiornermut inatsit naapertorlugu (Pileraarusrusiorneq aamma nunaminertat atorneqartarnerat pillugit Inatsisartut inatsisaat nr. 17, 17. november 2010-imeersoq) pisussaavoq, kommunimut pilersaarut pillugu pisariaqartutigut malinnaatitsissalluni. Taamatut malinnaatitsisarnermi pilersaarummut tapiliussamut attuumassutilimmik pilersaarummi allannguuteqartoqartillugu imaluunniit ilanngussisoqartillugu ingerlaavartumik isumagineqartarpooq.

Taamaalilluni Kommunalbestyrelse kommunimut pilersaarummut tapiliussamik nunaminertamik atuinissamut illunullu tunngasunik aalajangersagartalimmik sukkulluunniit suliaqarsinnaatitaavoq. Tamatuma saniatigut Kommunalbestyrelse sukumiisumik aalajangersagartalimmik kommunimut pilersaarummut tapiliortussaatitaavoq:

- Nuna tamakkerlugu pilersaarusrusiornerup kommunillu pilersaarusrusiornerata piviusunngortinnissaanut qularnaarinissaq pisariaqaraangat.
- Sanaartugassanik imaluunniit sulianut annerusunut pingaaruteqartunulluunniit nunaminertamik atugassiinnginnermi.
- Sanaartukkanik anginerusunik pingaaruteqarnerusunilluunniit ingutserilinnginnermi.

Kommunimut pilersaarummut tapiliussaq pingasunik immikkoortortaqarpoq, **nassuaanermut tunngasoq, aalajangiinermut tunngasoq nunap assinginillu ilanngussanik.**

- **Nassuaammi** kommunimut pilersaarummut tapiliussami siunertat inatsisitigullu sunniutit aamma pilersaarut pilersaarusrusiorernut allanut sanilliullugu qanoq inissisimanersoq nassuarneqarput.
- **Aalajangersagartaa** aalajangersakkanik pilersaarummik piviusunngortitsinermi malinnaatitsissutigineqartussanik imaqarpoq. Aalajangersakkat marlunngorlugit avitaapput, aalajangersakkat pingarnerit aamma aalajangersakkat sukumiisut. Aalajangersakkat tamarmik inatsisinut aalajangersagaapput, taamaattorli pissutsit ilaanni aalajangersakkanit sukumiisunit immikkut ittumik akuersissuteqartoqarsinnaavoq.
- **Nunap assinga ilanngussaq**
  - **Aalajangersakkat nassuaatitallit**, killigisat sanaartorfiusullu pillugit sumiiffimmi killeqarfiliussanik ersersitsippu. Nunap assinga malinneqartussaavoq
  - **Nunaminertamik atuinissamut assiliaq**, suliaqarfiup qanoq pilersaarusrusiorfigineqarsimaneranik takutitsivoq. Nunap assingata, aalajangersakkanik nassuaatitallinnik imalik asseq ilanngussaq ataqatigeqqissaarpaa malinneqartussaallnilu.
  - **Ilusilersukkat titartagartaat**, sanaartukkatt illuliallu qanoq ilusilersorneqarsinnaanerinut assersutinik takutitsippu. Ilusilersukkat titartagartaat missiliuutaasinnaavoq malittariaqarnanilu.

## Tamanut saqqummiussarisneq

Kommunimut pilersaarummut tapiliussaq 21.11.2017-imiit atuutilersussatut tamanut nalunaarutigineqarpoq.

## Pileraarut sumi pissarsiarineqarsinnaava?

Pileraarut Nunatta Atuagaateqrfiani imaluunniit kommunip nittartagaani [www.sermersooq.gl](http://www.sermersooq.gl) -imi atuarneqarsinnaavoq, kommunip innuttaasunik sullissivianut imaluunniit Sanarfinermut Avatangiisinullu Ingerlatsivimmut Kuussuaq 2, 3900 Nuuk saaffiginnillutit pissarsiarisinnaavat, oqarasuaat 36 74 31

**IMARISAI**

<b>IMARISAI</b>	3
<b>1 NASSUIAAT</b>	4
1.1 Immikkoortup ilaa	4
1.2 Siunertat tunngaviillu	5
1.3 Pissutsit atuuttut.	6
1.4 Pilersaarummi pingarnerit	8
1.5 Pilersaarutip pilersaarummut allanut tunngatillugu inissisimanera	12
1.6 Inatsisitigut sunniutit	15
<b>2 AALAJANGERSAKKAT</b>	17
2.1 Aalajangersakkat pingarnerit	17
2.2 Aalajangersakkat sukumiisut	20
<b>3. AKUERSISSUTEQARNERMI ATSIORNERIT</b>	25
<b>ILANNGUSSAQ</b>	26-29

## 1 NASSUIAAT

### 1.1 IMMIKKOORTUP ILAA

Suliaqarfik 4A8 Ningitsivik, Nuup illoqarfiaata ilaata kangiani Qinngtsinni inissisimavoq. Suliaqarfik kommunimut pilersaarummut Sermersooq 2028-mut ilaavoq, ilaqtariit illui allanut atanngitsut illullu atasut, najugaqarfiit akuleriaat pukkitsunillu illuliorfiusutut inissisimalluni.



Ass. 1: Immikkoortup ilaa 4A8 illoqarfimmut nunamullu ataqatigiissinna.

## **1.2 SIUNERTAT TUNNGAVIILLU**

Nuummi innuttaasut ukiuni aggersuni amerleriarnissaat naatsorsuutigineqarpoq, taamaattumik pitsaasunik tamatigoortunillu nutaanik inissiaqarfiliornissaq inissaqarnissamullu periarfissaqarnissaq pisariaqarput. Kommunimut pilersaarummut tapiliussamut peqqutaavoq kommunip, Nuummi inissaaleqineq pioreersoq iliuuseqarfinginiarlugu aamma illoqarfiup ilaani inissiaqarfinnik asigiinngitsunik najugaqarfissalimmik kajuminartumik pilersitsinissamik kissaateqarnera. Ilaqtariinnut illuliorfissanik aamma namminersorluni piginneqatigiilluni inissiaatit minnernik pilersivissatut nunaminertanik pissarsiniarnerit annertuut nalaanneqarput. Qinngorput illoqarfiup ilaatut atasutut ineriartortitseqqinnejarnissaa suli ingerlanniarneqarpoq. Taamaammat kommunimut pilersaarummut tapiliussamut uani pilersaarummi, immikkoortup pilersaarummut pingaarnermut ilaanissaanik qularnaarissaq. Kommuneqarfik Sermersumi kommunalbestyrelsip 2016-mi kommunimi illuliortaatsimut politikki atulersippaa, taanna ilaatigut illoqarfiup qanoq ineriartorneranut pitsaasumik tamatigoortumillu inissiaqarfinnik pilersitsinissamut iluaqutaasussaq. Illuliortaatsimi politikkeqarnerup illoqarfiup illuliornikkut, nunataatigut aamma sukisaarsarfissaqarnissamut periarfisanut takorluukkut nutaanik sanaartornermi inissiaqarfinnillu ineriartortitsinerit iluaqusissagai uannga kommunimut pilersaarummut tapiliussinermi kissaatigineqarpoq. Immikkoortup ilaa assigiinngitsunik inissialorfimmut, ilaqtariinnut najugassiat pukkitsut, illut quleriit atasunut affarleriinnullu inissinneqarpoq.

Pilersaarummut tapiliussamut siunertaapput tunngaviullutillu:

- Illoqarfiup 4A8-mi ineriartornissa, ilaqtariinnut illunullu atasunut sanaartorfimmut inissiinissaq piviusunngortissinnaanissa.
- Sanaartorfiup isikkivik, aqqutit, nunap ilusaa sumiiffiullu qanoq issusaa eqqarsaatigalugit inissinneqarnissa.
- Aqqusernernut, aqqutinut, inissiivinnut ataatsimoorfinnullu nunatanik inissiinissaq.
- Sanaartornerit sumiiffiup nunataata pitsaassusaanut naleqqunnissai qularnaarniarlugu.
- Sumiiffik aqquaarlugu sinersilluni aqqutiliortoqarnissaanut periarfissiinissaq.

### 1.3 PISSUTSIT ATUUTTUT

4A8 Ningitsivik immikkoortup ilaata 4A6-p Pinguaqqap kitaani Aqqusernermilu pingaarnermi Aqqusineq Dronning Margrethe II-mi, immikkoortullu uninngatitap 4D7-p kujataani, qitiusoqarfiup 4C3-p avannaani sinerissallu kangiani inissisimavoq (ass. 2 takuuk)..

Immikkoortup ilaa 8.4 missaaniippoq




Ass. 2: Immikkoortup ilaa 4A8 immikkoortullu sanili

Immikkoortup ilaa quassukkamik maniilluni qattunerasaartumik, Aqqusineq Dronning Margrethe II-mik allaanerusumik takussutissaqarpoq. Tassani qattunerasaartumi pingasunik manissunik qatsinnersaqaqarpoq, qaqqajunnanit minnernit immikkoortunik. Qatsinnersat sinerissallu akornanni sivingasumik innaarsoqarpoq, Qinngtsinnit Nuussuarmut aamma Nuunnguup kangeriumarngullu kujataani qeqertat tungaannut isikkiveqartitsisumik.



Fig 3 Nuunnguup (1), Qinngorput (2) sumiiffimmilli kujammut qeqertallu tungaannut isikkivik (3)

Immikkoortoq nunatamigut pitsaassutsinik arlalinnik avatangiiseqarpoq. Ukkusissat kangimut quassussuanut isikkivik, taassumalu kangerlummut ungasissusaa pinngortitamut qanissutsimik misigititsivoq. Ilutigitillugulu nunap uingajaartup, qaqqajunnat minnerit tassanilu qunnerit nuna soqutiginarsisippaat, aqqusinermik angallaffiusumik affarleqarneq pinngortitaq atorlugu illoqarfimmut attavianut assersugaalersillugu (ass).




Ass. 4 Aqqusineq Dronning Margrethe II-p tungaanut siunissami najugaqarfiusussamut qaqqajunnaq nunalu sivinganeq assersuisuupput.

## **1.4 PILERSAARUMMI PINGAARNERIT**

### Atorneqarnera:

Kommunimut pilersaarummut tapiliussap sumiiffiup inissiaqarfittut atorneqarnissaal aalajangiiffigissavaa.

Inissiaqarfittat ataqtigisut nunamullu naleqqussakkat, Qinngorpullu illoqarfip ilaatut ineriarternissaanik pilersaarut qularnaarissaaq. Suliaqarfip ilaani inissiat 100-t missaanniittut assigiinngitsunik angissusillit, ilaqtariit illuisut, illutut atasutut illullu affarleriit sanileriaat quleriittut sanaajusut pilersinneqarsinnaapput.




Ass. 5-6 Immikkuualuttunut sanaartornissamut pilersaarut, sanaartorfiunngitsullu sukisaarsarfittut atorneqarsinnaanerannut tunngaviit.

### Sanaartornissamut pilersaarut:

Kommunimut pilersaarummut tapiliussap suliaqarfittat immikkuualuttunut sisamanut agguarpai 1, 2, 3 aamma 4-mut,(ass. 5) sumiiffimmi sanaartorfiussanut aalajangiisutut inissillugit. Immikkuualuttuni 1, 2 aamma 3-mi inissianut ataasiakkaanut sanaartorfissat inissinneqarsimapput. immikkuualuttoq 3-mi sanaartorfissat pingasut nalinginnaasumik attartortillugit inissialiorfissatut immikkoortinneqarput, siunissamili kommunimut aalajangerneqarsinnaalluni namminersortunut illuliorfigisassanangortinneqassanersut.

Sanaartornissamut pilersaarutip ataatsimoortup inissiat attaveqaatillu sumiiffimmi nunap ilusaa aallaavigalugu inississavai. Inissiat qaqqap ilusaata allanngorarnera malittarissavaat, sumiiffiullu nunataata sivinganerata sanaartukkat portussusaat ilutigalugit inissianut nutaanut isikkivik pitsaasoq

seqinermullu nusasarnera qularnaassavai. Sanaartornissamut pilersaarummi sanaartorfiunngitsutut uninngatitat periarfissangornerisa illoqarfimmi nunaannaat ilorisimaarfissat, siunissamilu sinersilluni aqutissaqalernissamut najugaqarfinnut sanilerisanut ingerlaarsinnaanngornissamut qaninnerulernissamullu periarfissat pilersissavaat (ass.6).



Ass. 7

Immikkualuttut

### *IMMIKKUUALUTTUNI 1*


Immikkualuttoq 1-mi sanaartorfik kangerlummut qaninnerpaatut inissisimavoq. Tassani ilaqtariinnut illut ataasiakkaat 1-1½-nik qulerillit sanaartorfissiani sananeqarsinnaapput. Tassaniipput aamma inissiat sapanngatut allunaasamiittutut inissisimasut, immikkualuttoq 2-mi sanaartukkat ataqatigalugit inissisimallutik inessianut tunorlernut najugaqarfimmi aqqummit isikkiveqartitsillutik (ass.8).

### *IMMIKKUUALUTTOQ 2*

Immikkualuttoq 2-mi sanaartorfik Aqqusineq Dronning Margrethe II-p kangerluullu akornanni inissisimavoq. Tassani illut affarlerit quleriit sanaartorfissiani sananeqarsinnaapput. Inissiat sapanngatut allunaasami uiguleriittutut inissisimassapput, nunallu maninnersami ilusai malittarissallugit inessianut tunorlernut najugaqarfiup aqquaanit isikkiveqartitsissallutik (ass.8).

### *IMMIKKUUALUTTOQ 3*

Immikkualuttoq 3-mi sanaartorfik, Aqqusineq Dronning Margrethe II-mut qaninnerpaalluni inissisimavoq. Tassani illut atasut quleriit sanaartorfissiani sananeqarsinnaapput. Inissiat imminnut nikingapput nunallu allanngorarnera malittaralugu, najugaqarfiup aqquaanit inessianillu isikkiveqarluni (ass.8).



Ass. 8 Immikkortoq, Inissialorneq nunamilu inissisimaneq

***IMMIKKUUALUTTOQ 4***

Immikkualuttoq 4 nunami portunerpaalluni inissisimavoq, Aqqusineq Dronning Margrethe II quassullu aqqummut kimmut assersimallugit. Tassani teknikkikkut atortut bussinullu unittarfik ilanngunneqarsinnaapput, annerusumik sanaartorfiusinnaanngilaq.

**Nunaminertat sanaartorfiunngitsut nunalu:**


Sumiiffit sanaartorfiunngitsut sukisaarsarfittut atorneqassapput, pinngortitarluunniit taamaatsiinnarlugu uninngatinneqassalluni. Sanaartorfiup ilaani sanaartorfiunngitsut illoqannginnersat marluk aqqutiliorfissatut pilersaarutigineqarput. Taamaalilluni sineriammut atalissaq, siunissamilu sanaartorfiup ilaaniit sinersilluni aqqutilortoqarsinnaanngorluni. Illoqannginnersani sukisaarsarfinnut, pinnguartarfinnut, uninngaarfinnut assigisaannullu atortunik inissiisoqarsinnaavoq.

**Angallannermut tunngasut aqqutillu:**

Sanaartorfiup ilaa Qinngutsinni Nuullu sinnerani angallaffiup pingarnerup ilusilersorneqarneranut ilanngunneqassaaq, Aqqusineq Dronning Margrethe II-mut aqquserngit atalersinnerisigut. Aqqusineq Dronning Margrethe II-mit illoqarfiup aqqusernganut A-mut aqqutilerneqassaaq, taassuma inissiat aqqusernannut sisamanut aqqut avissavaa tassanngaanniillu najugarisanut aqquqteqassaaq(ass.9). Najugarisanut aqquserngit "pinnguartarfittut uninngaarfittullu" atorneqassapput (Sermersooq 2028 takuuk).

Immikkualuttoq 2-mi illoqarfiup aqqusernganit A-mit inissianut toqqaannaq aqquqteqassaaq.

Inissiani assigiinngitsuni immikkualuttuni biilinut inissiisarfissat aalajangerneqareerput.



Ass. 9. Aqquserngit aaqqissugaaneri aqqtillu ataneri. Aqqutit aaqqissuussaanerannut "immikkut" suliassanut paassisutissatut assit.

Sumiiffiup najukkanut aqqusernganit aqqutit katinnerannut aqquteqarpoq, sumiiffiit allat qanittumiittunut atanilersitsisoq atalersitsisorlu. Aqqusineq Dronning Margrethe II aqquaarlugu kangerlummit illoqannginnersanit atalersinneqarput inissiaqarfiit 4A6 kangimut.

Pisuinnaat aqqutaat sanaartorfiungitsut kiisalu sissakkut aqqusineeraq sanaartorfigissaanermut aningaasartuutinut ilaatinneqarlutik aningaasalersorneqassapput.

## ***1.5 PILERSAARUMMUT ALLAMUT SANILLIULLUGU INISSISIMANERA***

### ***1.5.1 NUNA TAMAKKERLUGU PILERSAARUSIORNEQ***

Kommunimut pilersaarummut tapiliussaq nuna tamakkerlugu pilersaarusiornermut naapertuuppoq.

### ***1.5.2 KOMMUNIMUT PILERSAARUT***

Qinngutta ineriertortinnejarnissaa suli sulissutigineqarpoq. Una kommunimut pilersaarummut tapiliussaq sumiiffiup sanaartorfiginerata ingerlaannarnissaanik qularnaariniarnermut ilaavoq, tassani sumiiffimmi nunap qanoq issusaa attatiinnarlugu sanaartornerup nunallu sanaartorfiunngitsup immikkoortinneqarnerisa eqqumaffiginerisigut.

Kommunimut pilersaarummut tapiliussaq 4A8, kommunimut pilersaarummut Sermersooq 2028-mut ilaavoq taassuma sumiiffimmi assigiinnngitsunik inissialiornissaq inissisorpaa.

### ***1.5.3 QANGANITSAT ERIAGISASSAT IMAALIALLAANNAQ PEERNEQARSINNAANNGITSUT***

Immikkoortup ilaani qanganisaqarnersoq Kommuneqarfik Sermersuumit ilisimaneqanngilaq. Allanngutsaaliuisarneq aamma allatigut kulturikkut eriagisassanik kulturikkut kingornussatut illersuineq pillugu Inatsisartut inatsisaat nr. 11, 19. maj 2010-meersoq sumiiffimmi naapertorneqarpoq.

### ***1.5.4 AVATANGIISIT***

Immikkoortup ilaani assaanermi mingutsitsisoqarsimasoq paasineqarpat, Kommuneqarfik Sermersuumi piujuatitsinissamut avatangiisinullu immikkoortortaq piaartumik attavagineqassaaq.

Eqqakkanik avatangiisinut navianaatilinnik suujunnaarsitsinerit, assersuutigalugu issoq uuliamik mingutsinneqarsimasoq, kommunimi eqqagassalerineq pillugu malittarisassat aamma suliassaqarfik tamanna pillugu inatsisit naapertorlugit pissapput.

Sumiiffiup kujataata ilaa isumannaallisaanermut killigititaqarfeqarpoq qaartiterutaasivik. Sumiiffiup iluani tassani sanaartukkat, sumiiffimmi isumannaallisaatit nuunneqartinnagit atorneqalersinnaanngillat.

**1.5.5 TEKNIKKIKKUT PILERSUINEQ**

Inissialiat nutaat pisortat innaallagissamut imermullu aqqutaataannut aamma kuuffissuarnut attavilerneqassapput.

Innaallagissamik, imermik kissamillu pilersuinermut aqqutit aamma kuuffissuit nunap iluatigoortinnejassapput.

Immikkoortup ilaani pisortat teknikkikut atortulersuutaat, soorlu immikkoortup ilaanut pilersuinernut sakkortusaaviit inissinneqarsinnaapput. Nukissiorfiit siunersiorlugu sakkortusaaviit inissinneqassapput.

**KIASSARNEQ**

Immikkoortup ilaata kiassarneqarnissaa Nukissiorfinni malittarisassat malillugit pissaaq.

**1.5.5.1 KUUFFISSUALERSORNERIT**

Inissialiat imikoq pillugu iliuusissatut pilersaarut naapertorlugu pisortat kuuffissaataannut attavilerneqassapput.

Nunap qaavani imeq, tamatumunnga ilanngullugu imeq illup qaavanit kuuttoq kuuffissuartigoortinnejassanngilaq, kussinernulli kuutsinneqassalluni, taamaasilluni immikkoortumi sanaartukkanut allanut, aqquteeqqanut, aqqusinernut sanaartorfiunngitsunullu akornusersuutaassanani.

**1.5.5.2 EQQAGASSALERINEQ**

Immikkoortup ilaa Kommuneqarfik Sermersumi eqqagassalerinermut aaqqiinermut malittarisassanut sukkulluunniit atuuttunut ilaatinnejarpooq.

**1.5.5.3 APUTAAJAANEQ APUMMILLU PIIANEQ**

Immikkualuttunut tamanut piginnittut peqatigiiffiinik pilersitsisoqassaaq aqquserngit, ikuallattoornermi biilinut inissiisarfiit, aqqutit, pinnguartarfiit sanaartorfiunngitsullu aserfallatsaalinnissaannut sumiiffik. Peqatigiiffimmik piginnittut namminneerlutik malittarisassaliorssinnaapput. Aputaajaanermi inissiisarneq sanaartorfiup ilaani pisassaaq, Kommuneqarfimmit akuerineqartigani Sermersuumit sanaartorfiup ilaata avataanut inissiisoqarsinnaanngilaq

**1.5.5.4 SANAARTORFISSAG/SSAANERNUT AN/INGAASARTUUTIT**

Immikkoortumi sanaartorfissagissaanermut aningaasartuutit illuatungeriillu akornanni agguataarneqartussat akilersuinissamut malittarisassatigut immikkut ittutigut takuneqarsinnaassapput.

## **1.6 Pilersaarummut tapiliussap inatsisitaanut tunngasut**

### **1.6.1 INATSISITIGUT SUNNIUTAAGALLARTUT**

Kommunimut pilersaarutissatut imaluunniit kommunimut pilersaarummut tapiliussassatut siunnersuutip tamanut saqqummiunneqareernerani nunaminertat, illut sanaartukkallu siunnersuummi pineqartut illuliorfigineqassanngillat allatigulluunniit kommunimut pilersaarutip imaluunniit kommunimut pilersaarummut tapiliussap inaarutaasup imarisaanut sioqqutsisutut isikkoqarsinnaasumik iluaqtiginiarneqassanatik.

(Pilersaarusiornermut inatsimmi § 31)

Akerliliissuteqarnissamut piffissarititaasoq qaangiuppat aamma akerliussutsinik takkuttoqarsimanngippat Kommunalbestyrelsip nunaminertap siunnersuummut ilaatinneqartup atorneqarnissa sanaartorfigineqarnissaalu akuerisinnaavaa, atuineq sanaartornerluunniit siunnersuummut naapertuuppata (Pilersaarusiornermut inatsimmi § 31, imm. 2).

Inatsisitigut sunniutaagallartut kommunimut pilersaarummut tapiliussap tamanut saqqummiunneqarnissaata tungaanut atuukkallassapput - sivisunerpaamillu siunnersuutip saqqummiunneqarneraniit ukumi ataatsimi.

(Pilersaarusiornermut inatsimmi § 31, imm. 3)

### **1.6.2 INAARUTAASUMIK INATSISITIGUT SUNNIUTIT**

Kommunimut pilersaarutip piviusunngortinnejarnissaanut

Kommunalbestyrelse suliniuteqassaaq, tassunga ilanngullugu nunaminertanik atugassiinerni. (Pilersaruinermut inatsimmi § 29).

Kommunimut pilersaarummut tapiliussap matuma inaarutaasumik akuerineqarnera tamanut nalunaarutigineqareerpat kommunimut pilersaarummut tapiliussamut inatsisitigut piviusumilluunniit akerliusumik pissutsinik pilersitsisoqassanngilaq. (Pilersaarusiornermut inatsimmi § 30).

Pisulli ilaanni aalajangersakkanit sukumiisunit nikingasoornernut annikinnerusunut immikkut ittumik akuersissuteqartoqarsinnaasarpooq. Nikingasoornerit pingaernerit aamma aalajangersakkanit pingaernerit nikingasoornerit pissutigalugit nutaamik kommunimut pilersaarummut tapiliortoqassaaq. (Pilersaruinermut inatsimmi § 50).

Nunaminertanik, illunik atortunillu manna tikillugu unioqqutitsinani atuinerit ingerlaannarsinnaapput, akerlianilli illunik atuinerit allanngortinnejarnerat

nutaanilluunniit illuliorerit kommunimut pilersaarummut tapiliussamut akerliussanngillat.

Kommunimut pilersaarummut tapiliussap malitsigisaanik imaanngilaq nunaminertat, illut atortulersuutillu pilersaarummi ilaatinneqartut, pilersinneqassasut.

## 2 AALAJANGERSAKKAT


Matumuuna Pilersaarusiortarneq nunaminertanillu atuineq pillugit *Inatsisartut inatsisaat nr. 17, 17. novembari 2011-imeersoq* (Pilersaarusiorneq pillugu inatsit) kingusinnerusukkut allannguutitalik naapertorlugu aalajangersakkat tullinnguuttut makku Kommunalbestyrelsimit aalajangersarneqarput.

Aalajangersakkat aalajangersakkanut pingaarnernut aalajangersakkanullu sukumiisunut avitaapput.

Aalajangersakkat tamarmik inatsisinut aalajangersagaapput, taamaattorli pissutsit ilaanni aalajangersakkanit sukumiisunit immikkut ittumik akuersissuteqartoqarsinnaavoq. Aalajangersakkat pingaarerit pilersaarummi tunngaviusumik tunngaviupput taamaattumillu aalajangersakkanit taakkunannga immikkut ittumik akuersissuteqartoqarsinnaanngilaq.

### AALAJANGERSAKKA PINGAARNERIT

Immikkoortup ilaata killeqarfilsorneqarnera



Sumiiffik sanaartorfingeqarnikuunngilaq, 8,4 ha-rillu missaanni angitigaluni qulaanilu takutinneqartutut killiligaalluni.

#### 1 SIUNERTAQ

Inissianut siunertat

#### 2 Atuuffiit

Sumiiffik ilaqtariit illuinik, illunik affarleriinnik Illunut sanileriaanuut inissialorfissatut inissitaavoq.

<p>Sumiiffik immikkuualuttunut 1, 2, 3 aamma 4-mut agguardeqassaaq.</p> <p>Sumiiffik 1: ilaqtariit illuunut inissaritinneqassaaq. Immikkuualuttumi C-mi sanaartorfimmi minnerpaamik inissiaq ataaseq</p> <p>Sumiiffik 2: illunut affarleriinnut inissaritinneqassaaq. Immikkuualuttumi B-mi sanaartorfinni tamani minnerpaamik inissiat marluk.</p> <p>Sumiiffik 3: illunik sanileriaanut inissaritinneqassaaq. Immikkuualuttumut sanaartorfimmut A-mut minnerpaamik inissiat sisamat. Sanaartorfik 1,2 aamma 3 minnerpaamik pingasunik inissiaqassapput. Sanaartorfissat 8, 13 aamma 15 nalinginnaasumik attartortillugit inissialiorfissatut immikkoortinneqarput, siunissamili kommunimit alajangerneqarsinnaalluni namminersortunut illuliorfigisassanngortinneqassanersut.</p> <p>Sumiiffik 4: sanaartorfiussanngilaq aallaqqaammut, kommunilli teknikkikkut atortut minnerit akuersissuteqarfingisinnavaai.</p> <p>Immikkoortup ilaani taamatut ingerlatsisinnaneq, nalinginnaasumik najugaqarfiusuni taamaallaat ingerlanneqartumik, Kommunalbestyrelsimit akuerineqarsinnaavoq. Suliffeqarfik ima ingerlanneqassaaq, sumiiffiup najugaqarfittut isikkua allanngortinneqassanani, tamatumunnga allagartalersuineq ilangullugu. Suliffeqarfik eqqaamiorisanut akornutaassanngilaq, aammalu biilinut inissiisarfinnik malunnartumik amerlanerusunik pisariaqartitsiffiussananani.</p> <p>Nunaminertat illunut atortulersuutinullu atorneqanngitsut sanaartorfigineqanngitsutut aamma uninngaartarfissatut aaqqissuunneqarsinnaapput pinngortitatulluunniit atorneqanngitsutut isikkoqartinneqarsinnaapput.</p>
<b>3 Sanaartorneq</b>
<p>Sanaartorneq, sanaartorfissatut inissitanut katitikkatut isikkoqassaaq. Immikkuualuttuni nutaamik sanaartorneq quleriinni tulliuttuni ingerlanneqarsinnaavoq.</p> <p>Immikkuualuttoq 1: Ilaqtariinnut illut 1½ quleriillit, illuttut uinganilinnik qaliaqartut.</p> <p>Immikkoortup ilaa 2: Illut affarleriit marlunniq quleriinnik inissiallit illuanut uinganilimmik qaliallit.</p> <p>Immikkuualuttoq 3: Illut sanileriaat quleriinnik marlunniq inissiallik illuttut uingasunik qaliaqassaaq.</p> <p>Immikkuualuttoq 4: Kommune teknikkikkut atortunik minnernik akuersissuteqarsinnaavoq.</p>
<b>4 Inissaqassuseq</b>
<p>Immikkoortoq tamanna 8,4 ha. missaannik annertussuseqarpoq. Kommunimut pilersaarummi tapiliussami matumani sanaartorfiit atorneqareerpata immikkoortup ilaa tamakkerluni sanaartorfigineqarsimasutut sinneruttunillu inissaqanngitsutut naatsorsuutigineqassaaq.</p>
<b>5 Eriagisariaqartut</b>
<p>Aalajangersaasoqanngilaq</p>
<b>6) Killeqarfiiit piumasaqaateqarfiusut.</b>
<p>Narlorisumik aammalu suluunnartut ilusilimmik mittarfiup tallilerneqarnerani mikkiartornermi qangattalernermlu qaavisa aporfeqanngitsoqnerisigut mittarfiup eqqaani killeqarfiiit</p>

aalajangersagartaqartinneqassapput. Immikkoortoq mittarfimmut aporfeganngitsup ataaniippoq narlorissullu inissisimanerata ilaanut ilaalluni, tassanilu illut nunamiit illuliat nuuata tungaanut 127,5 qaangerlugu sanaartoqquaanatik aqquserngillu sanaartorneqarnerini 121,5 qaangeqquaanagu. Sumiiffik qaartiterutaasivimmut isumannaallisaanermut killeqarfimmut ilaavoq. Qaartiterutaasiviup isumannaallisaanermut killeqarfia sanaartorfigineqarsinnaavoq aatsaat isumannaallisaanermut killeqarfik atorunnaarsinnejqarpat.

#### **7. Aqqusinertigut angallanneq teknikkikkullu pilersuinerit**

Sumiiffimmut ingerlaneq Aqqusineq Dronning Margrethe II-mit aqqusiorneqassaaq illoqarfiup aqqusernga aqqutigalugu.

Tamanut aqqutaasinnaasumik sinersilluni aqqummik katitikkamik aqquqteqalernissaq, sumiiffimmik sanilinut illoqarfiullu sinneranut atasumik aqquqteqalernissaq qularnaarneqassaaq.

#### **8 Illoqarfiup nutarternera**

Immikkut ittunik aalajangersagaqanngilaq

#### **9 Immikkoortukkuutaat**

-

<b>AALAJANGERSAKKAT SUKUMIISUT</b>
<b>1 Sanaartorfissap inissisimaffia</b>
Imm. 1. Inissialiat nutaat sanaartorfissami ilanngussaq 2-mi takuneqarsinnaasup iluinnaani taamaallaat pissaaq.
Imm. 2: Illut allat minnerit soorlu sikkilinut inissiiviit, biilinut isaaviit, eqqaaveqarfiiit assigisaallu, sanaartorfiiit avataanni illunut attuumassuteqartumik sananeqarsinnaapput.
<b>2 Inissialiat isikkui</b>
Sanaartorneq
Sumiiffimmut pilersaarusiaq imikkuualuttunut sisamanut avitaavoq: 1, 2, 3 aama 4 ilanngussaq 1-mi takutinneqartutut.
<b>Imm. 1: Immikkuualuttoq 1:</b>
Immikkuualuttumi inissiat katillugit 16-t 150m <sup>2</sup> -mik toqqavimmi angissusillit, inissiallu marluk toqqavimmi 300m <sup>2</sup> -mik angissusillit (sanaartorfissaq 18 + 35).
<ul style="list-style-type: none"> <li>• Ilaqtariit illuat annerpaamik 1½-nik quleriilik qui ilanngunnagu.</li> <li>• Illup portussusaata 9 m nunap portunersaanit sanaartorfik qaangissaanngilaa.</li> <li>• Illup silataa 25m<sup>2</sup> angullugu - sanaartorfissap iluaniippata</li> <li>• Biilinut inissat quillu sananeqarsinnaapput - sanaartorfissap iluaniippata</li> </ul>
<b>Imm. 2: Immikkuualuttoq 2:</b>
Immikkuualuttumi inissiat katillugit 14-t sananeqarsinnaapput, inissiamut ataatsimut toqqavimmi 105m <sup>2</sup> -mik angissusillit.
<ul style="list-style-type: none"> <li>• Illut affarleriit, annerpaamik quleriit marluk qui ilanngunnagu</li> <li>• Illup portussusaata 9,5 m nunap portunersaanit sanaartorfimmut qaangissanngilaa.</li> <li>• Illup silataa 25m<sup>2</sup> angullugu - sanaartorfissap iluaniippata</li> <li>• Quleriit aappaanni aneerasaartarfik annerpaamik 1½m-imik itissuseqassaaq katillugu annerpaamik 6 m<sup>2</sup></li> <li>• quillu sananeqarsinnaapput - sanaartorfissap iluaniippata</li> </ul>
<b>Imm 3: Immikkuualuttoq 3:</b>
Immikkuualuttumi inissiat katillugit 68-t, inissiamut ataatsimut toqqavimmi 70m <sup>2</sup> -mik angissuseqarsinnaavoq.
<ul style="list-style-type: none"> <li>• Illut sanileriaat, annerpaamik marlunniq quleriussaaq qui ilanngunnagu</li> <li>• Illup portussusaata, nunap portunersaanit sanaartorfimmut 10 m qaangissanngilaa.</li> <li>• Illup silataa 10m<sup>2</sup> angullugu - quleriinni inissiamut ataatsimut - sanaartorfissap iluaniippata</li> <li>• Quleriit aappaanni aneerasaartarfik annerpaamik 1½m-imik itissuseqassaaq katillugu</li> </ul>

- annerpaamik 6 m<sup>2</sup>
- quillu sananeqarsinnaapput - sanaartorfissap iluaniippata

**Imm. 4:** Immikkuualuttoq 4:

Immikkuualuttumi teknikkikkut atortut minnerit sananeqarsinnaapput.

- Ilusilersuineq Kommuneqarfik Sermersuumit akuerineqassaaq.

**Imm. 5:** Sanaartornermi qui inigisamut siunertamut taarsiunneqassanngilaq.

**Imm. 6:** Seqerngup nukinganik tigooraassutit inissialiat ilaattut taamaallaat ilanngunneqarlutik ikkunneqarsinnaapput

sanilinut saneqquasunullu inngiasunnassanngillat

**Imm. 7:** Silaannarissarfut, pujoorfiit assigisaallu illup titartarneqarnerinut ilaatinneqassapput.

**Imm. 8:** Quleriit aappaannit aneerasaartarfut sanaartorfiup killinga 1,5meterimik qaangersinnaavaat

**Illut silataat**

**Imm. 9:** Sanaartukkap silataa qillertuussanngilaq inngianartuussananilu.

**Imm. 10:** Ilanngussaq 4-misut takutinneqartutut sanaartukkat qalipaateqassapput. Qalipaatit taakkunannaq allaanerusut Kommuneqarfik sermersuumit akuerineqaqqaassapput.

**Imm. 11:** Immikkuualuttuni 2 aamma 3-mi inissiat qalipaateqatigiissapput sanaartorfiit ataasiakkaat iluini.

**Illut qaliai**

**Imm. 12:** Illut qaliai taartunik qalissialerneqassapput, inngianartuussanatillu. Illuni illup silataa illut qaliaasut "ingerlateqqitani", illup silataatut qalipaateqassapput qalliutaallu assigiissallutik

**Imm. 13:** Illut qaavi ima sivinganeqassapput:

- Immikkuualuttoq 1: Illuttut sivinganilik annerpaamik 45°-nik sivingassuseqassaaq. Illup qaava najugaqartut aqquserngannut sammissaaq, sanaartorfiit 18 aamma 35 minillugit.
- Immikkoortup ilaa 2: Illuinnaanut 10°-mik sivinganilik illup qaavata portunersaa kangerlummut sammissaaq.
- Immikkuualulttoq 3: Illuttut sivinganilik annerpaamik 35.. Illup qaava illup takissusaata illugiiffarianik uuttorneqassaaq.

Illut qaavisa sammivii ilanngussaq 3-mi takuneqarsinnaapput.

**Imm.14:** Immikkuualulttoq 1-im i illup qaavani amerlanerpaanik marlunnik igalaqartoqarsinnaavoq

**Imm15:** Qaliani aniinganerit inerteqqutaapput

**3 Aqqusernit aqqusineeqqallu**

**Aqquserngit**

**Imm. 1:** Illoqarfiup aqqusernga A aqqusinertut atorneqassaaq. Illoqarfiup aqquserngi aqquserngit titarnerinut 10 meterisut angissuseqassapput, aqquserngup qeqqaniit uuttorneqarlutik.

**Imm. 2:** Najukkanut aqquserngit A, B, C aamma D najukkanut aqqusinertut atorneqassapput.

Najukkanut aqquserngit, aqqusernit titarnerinut 7.5 meterinut aqquserngup qeqqaniit uuttorneqassapput.

**Imm. 3:** Aqqusernit tamarmik ikuallattoornermi aqqutissaassapput

#### Pisuinnaat aqquserni

**Imm. 4:** Aqqutinik sanasoqassaaq 3 meterisut silissusilinnik, assitut ilangussami 2-miittutut. Aqqutit majuartarfilerneqarsinnaapput pisariaqartillugu.

**Imm. 5:** Sinersilluni aqqummik pilersitsisoqassaaq, kangerluup sineriaani sumiiffimmi tamanut aqqutissamik.

#### Unittarfiit

**Imm. 6:** Biilnik inissiisarfik assitut ilangussaq 2-misut tunngaviusumik inissinneqassaaq Sumiiffimmi atulersinneqassapput: inissiamut ataatsimut 1,5 biilinut inissiivik Biilinut inissiiviit 25-ugaangata marluk innarluutilinnut naatsosuunneqassapput.

**Imm. 7:** Immikkualuttumi 3.mi sikkilinut inissiiviit innissiamut ataatsimut 1,2 inissaqartassapput

**Imm. 8:** Biilinut inissiivinni el-bilinut orsiissutit ikkunneqarsinnaapput.

#### 4 Nunaminertat sanaartorfigineqanngitsut sunngiffimmilu atortulersuutit

**Imm. 1:** Uninngaarfiiit sanaartorfigineqassanngillat, atortunut inissiivigineqassanngillat atorfissarinngisaannut.

**Imm. 2:** Immikkualuttuni 1, 2, 3 aamma 4-mi sumiiffiit sanaartorfiunngitsut inissiiviunngitsullu uninngaarfingortinneqassapput

**Imm. 3:** Pinnguartarfiit uninngaarfiiillu illoqannginnersani aqquteqassaaq

**Imm. 4:** Nerriviit, issiaviit, pinnguartarfeeqqat assigisaallu uninngaartarfinnut inissinneqarsinnaapput, sukisaarsarfittut atugassanngorlugit

**Imm. 5:** Uninngaarfinni atortut pinngortitamit qisunnit, betonit ujaqqat savimerngillu atorneqassapput.

#### 5 Teknikkikkut atortussat

**Imm. 1:** Inissialiat nutaat tamat innaallagissamut imermullu aqquaataannut aamma kuuffissaataannut attavilerneqassapput.

Immikkoortup ilaata kiassarneqarnissaa Nukissiorfinni malittarisassat malillugit pissaaq.

**Imm. 2:** Pilersuinermi ledningit, soorlu innaallagissamut, imermut, kiassarnermut kuuffissuanullu ledningit nunamut matoorneqassapput.

**Imm. 3:** Imikoq qasertoq imikorlu tamarmik kuuffissuakkut kuutsinneqassapput. Nunap qaavata ernga kussiamiillu imeq kuuffissuakkoortinneqassanngillat kisiannili illulianut, aqqusinernut, aqqusineeqqanut nunaminertanullu sanaartorfigineqanngitsunut eqqaamiorisanut akornutaanngitsumik kuutsinneqassapput.

**Imm.4:** Eqqaavinnut containerit/igitanik katersuiviit ungaloqassapput inissinneqassappullu, soorlu ilanngussaq 2-mi takuneqarsinnaasoq

**Imm. 5:** Teknikkikkut atortut inissinneqarnerat Nukissiorfiit siunersiorlugu sakkortusaaviiit inissinneqassapput. Telefonimut internetimullu teknikkimut illuarassaq Tele Greenland A/S suleqatigalugu inissinneqassaaq

## 6. Nunaminertat sanaartorfigineqanngitsut

**Imm. 1:** Nunaminertat sanaartorfigineqanngitsut sanaartortoqarnerani, qaartiterisoqarnerani allanilluunniit sulisoqarnerai qaamikkut ajoquserneqarsimasut pilerseqqinnejnqassapput

**Imm. 2:** Sanaartorfimmi qaartiterisoqartariaqarnissa naatsorsuutigineqassaaq, sanaartornermi atortut, aqqusernit, inissiiviit aqqutillu inissaannut inissinniarlugit.

**Imm. 3:** Sanaartornermi nunap allanngortiterneqarnerani nuna mianersuuneqassaaq.

**Imm. 4:** Allanngortiterisoqareerpat nunap avatangiisai sanaartornermut, atortunut ilaangngitsut ilursaanneqassapput

Immikkoortup ilaa qaartiternerlekunik qaartiterinermi assartuinermiluunniit siammarsimmasinnaasunik peqarpat salinnejnqassaaq.

**Imm. 5.** Aputinik inissiartorneq immikkoortup iluinnaani pissaaq taavalu Kommuneqarfik Sermersuumit immikkut akuersissuteqartinnani

sumiiffiup avataanut allamut inissinneqassanngilaq.

**Imm. 6.** Aputit katersuussimasat immikkoortumi ulluinnarni atuuffinnut akornutaassanngillat. Tamanna malinnejnqippat nunaminertamik piginnittuitap akiligaanik aputit Kommuneqarfik Sermersooq peeriartorneqarnissaannut pisinnaatitaaffeqarpoq.

**Imm. 7:** Sanaartorfiup ilaanut umiatsianut inissiivimmik pilersitsisoqassanngilaq

## 7. Allanngutsaaliuineq

Immikkut ittunik aalajangersagaqanngilaq

## 8 Pingortitamik illersuinissamik soqutigisat

Immikkut ittunik aalajangersagaqanngilaq

## 9. Nunaleraluni nunamik atuinissamik soqutiginninnerit

Immikkut ittunik aalajangersagaqanngilaq

## 10. Ataatsimut atortulersuutit

Immikkut ittunik aalajangersagaqanngilaq

## 11. Piginnittut peqatigiiffii

**Imm. 1:** Immikkoortup ilaani illut pillugit ataatsimut soqutigisanik isumaginnittussamik piginnittut peqatigiiffiannik pilersitsisoqassaaq. Peqatigiiffiup Kommuneqarfik Sermersooq najukkami sumiiffianik ilisimatissavaa. Peqatigiiffiup ingerlatsineq aserfallaatsaaliinerlu akisussaaffigissavai, (aamma ukiukkut allanngutsaaliineq) ikuallattoornermi aqquserngit, aqqusinernik, aqqutinik, biilinut inissiivinnik, pinnguartarfinnik uninngaarfinnillu sumiiffimiittuni.

**Imm. 2:** Nunaminertamik piginnittooq immikuualuttumik piginnittut peqatigiiffiannut ilaasortaassaaq,

**Imm. 3:** Sumiiffiup sanaartorfissagissarneranut aningaasartuutit soqutigisaqtigiinnut aamma  
ningaasartuutinut agguarneqassapput  
akuliussimasanut immikkut akiliutissatut ilaassaaq.

**Imm. 4:** Peqatigiiffik pilersinneqassaaq, minnerpaamik piginnittut ilaasortaasinnaatitaasut affaasa  
kissaatigippassuk, kingusinnerpaamilli immikkuualuttumi inissiat pingajorarterutaat atulereerpata.

## **12. Avatangiisink mingutsitsinermi killissarititaasut**

Immikkut ittunik aalajangersagaqanngilaq

## **13 Nukimmik atuinikitsumik sanaartorneq**

Immikkut ittunik aalajangersagaqanngilaq

## **14. Atuinissamut piumasaqaatit**

**Imm. 1:** Ima pisoqaqqaartinnagu illuliat nutaat iserterfigineqassanngillat:

- immikkoortoq 3.6 malillugu unittarfinnik sanaartorfigineqartinnagit
- paragraf 3 imm. 7 naapertorlugu sikkilinut ilisiveqanngippata
- paragraf 6 imm. 2 aamma 6 imm. 4 naapertorlugit nuna iluarsaaneqarsimannngippat.
- illup sanaartorfiunngitsortai ataatsimullu atortoqarfii paragraf 3,4 aamma 5 naapertorlugit pisimannngippata Pifissap sanaartorfiusup tamanna ajornartissappagu immikkoortuni taaneqartut Kommuneqarfik Sermersuumik isumaqtigiissuteqartoqareerpat piaarnerpaamik suliarineqassapput.
- Imm. 3. immikkoortoq 5 malillugu tamat innaallagissamut, imermut ungasissumillu kiassarnermut kiisalu kuuffissuaqarnermut attaveqalernermik, aammalu

### 3 AKUERSISSUTEQARNERMI ATSIORNERIT

Kommunimut pilersaarummut tapiliussassatut 4A8 siunnersuut una, Ningitsiik, Kommuneqarfik Sermersumi Aningasaqarnermut Innuussutissarsiornermullu Ataatsimiititaq ulloq 29.6.2017 aamma sapaatit akunnerini qulini tusarniassutigineqarnissaa akuerineqarpoq.


Kommuneqarfik Sermersooq ulloq:

24/11-2017



Asii Chemnitz Narup

Borgmesteri




Lars Møller Sørensen

Kommunaldirektøri

Atsiorneranut nassuiaat /  
Signaturforklaring

- Immikkoortoq pilersauteqarfiusoq / Delområde
- Sumiiffiup annikitsup ilaa / Detailområde
- 1-4 Immikkullarisooq nr / Detailområde nr.



KOMMUNEQARFIK SERMERSOOQ  
Sanarfimermut avatangiisinullu ingerlatsivik  
Anlægs- og Miljøforvaltningen

Kommunimut pilersaummut tapiliussaq 4A8  
Kommuneplantillæg 4A8


Illanngussaq I Sumiiffiup ilaa Sumiiffiup annikitsup ilaa Pisutsillu pioereersut  
Bilag I Delområde, detailområder og eksisterende forhold  
Novembari / November 2017  
Uttuut / Mål 1:3000

0 m 30m 60m 90m 120m 150m

## Atsiorneranut nassuaat / Signaturforklaring

- Immikkoortoq / Delområdet
- Sumiiffiup annikitsup ilaa / Detailområde
- 1-42** Sanaartorfissaq nr / Byggefelt med nr.
- Eqqakkanik immikkortiterivik / Miljøstation
- Pisuinnartunut aqqutissiaq / Sti
- Biilinut iniaaiisarfik / Parkering

N




KOMMUNEQARFIK SERMERSOOQ  
Sanarfimermut avatangiisinullu ingerlatsivik  
Anlægs- og Miljøforvaltningen

Kommunimut pilersaarummut tapiliussaq 4A8  
Kommuneplantillæg 4A8

Illanngussaq II Immikkoortoq, immikkualuttoq sanaartorfissallu  
Bilag II Delområde, detailområder og byggefelter  
Novembari / November 2017  
Uttuut / Mål 1:3000

0 m 30m 60m 90m 120m 150m



KOMMUNEQARFIK SERMERSOOQ  
Sanarfimerut avatangiisinnullu ingerlatsivik  
Anlægs- og Miljøforvaltningen


Kommunimut pilersaarummut tapiliussaq 4A8  
Kommuneplantillæg 4A8

Ilanngussaq III Titartaganngorlugu takussutissat  
Bilag III Illustrationsplan  
Novembari / November 2017  
Uttuut / Mål 1:2000


0 m 20m 40m 60m 80m 100m

# Qalipaateqatigiaat / Farvekategori

## Saaq / Facade



Aapaluttoq / Rød  
NCS 4550Y80R




Qorsuk / Grønt  
NCS 5040 G20Y




Sungaartoq / Gul  
NCS 2040Y20R



Tungujortoq / Blå  
NCS 6020-R80B



Qasertoq qaamasoq / lysegrå  
NCS 1000 N



Qernertoq / sort  
NCS 8400 N




Usserut /  
Tjære




Qisuk/  
Træ


## Igalaat / Vinduer



Qaqortoq / hvid  
RAL 9010




Qasertoq qaamasoq /  
lysegrå  
NCS 1000 N




Qernertoq / sort  
RAL 9005

## Toqqavik / Sokkel



Qaqortoq / hvid  
NCS S 0300-N



Qernertoq / sort  
RAL 9005



Betonngi / Beton



KOMMUNEQARFIK SERMERSOOQ  
Sanarfimermut Avatangiisinullu Ingerlatsivik  
Forvaltning for Anlæg og Miljø

Kommunimut pilersaarummut tapiliussaq 4A8  
Kommuneplantillæg 4A8

Ilanngussaq 4: qalipaat  
Bilag 4: farver  
Novembari / November 2017